



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Natales Sanctorvm Belgii, & eorundem Chronica  
Recapitvatio**

**Molanus, Johannes**

**Dvaci, 1616**

Vigesima quarta Octobris.

**urn:nbn:de:hbz:466:1-9477**

que sudore ac sana doctrina Colonensium Burdegalensium, Tungrensum, vicinorumque ecclesiarum, ab infestatione Arianæ hæresis sunt defensæ.

Scriptum est porro in historia S. Euergisli, Euphratam Ariani dogmatis zizania Tungris tritico sanæ doctrinæ superseminasse. Contra quæ episcopus laborans inibi puerum Euergislium, cuius virtutum primitias mirabatur, ad se recepit. Quem etiam in Colonensi sede successorem accepit.

Vigesima quarta Octobris.

**1º De sancto Seuerino Treuirensi episcopo.**

*Ex catalogis episcoporum.*

**T**reuiris, sancti Seuerini primi episcopi & martyris, qui cum Treuirensi ecclesia Tungensem quoque, nondum ab ea diuisam administravit.

Addit Placentias ( quod vnde habeat ignoror ) eum fuisse filium Messeronis, Comitis Louaniensis. Huius natalis est vigesima quarta Octobris: sancti autem Seuerini secundi, vigesima prima Decembbris.

**2º De sancto Euergislo episcopo, martyre Tungris.**

*Ex historia ecclesie Tungensis, à Surio edita.*

**C**oloniæ. natalis S. EVERGISLI episcopi Colonensis, & martyris, archidiaconi & successoris S. Seuerini episcopi.

Qui Tungris natus, martyr fuit, & tumulus. Locus ubi latrones eum occiderunt, nominatur die grouwel-steegh. Habetque festum duplex in ecclesia

Octobris 28.

N A T A L E S

ecclesia Tungrensi. Sed inde est nono Calendas Martij, per Brunonem episcopum, fratrem Ottonis Imperatoris translatus Coloniam, ad sanctam Cæciliam.

Cap. 61.

Memorabile est quod scribit in gloriam martyrum Gregorius Turonensis, Eberegisilum nostrum, dum validis doloribus medij capit is quateretur, diaconum misisse pro puluere ad puteum martyrum Thebæorum: & exinde cum caput attigisset, dolore omni liberatum esse. Recensetur etiam inter episcopos Tungrensis diœcesis, eo quod Tungris fidei calore inflammatus intrepide prædicauerit contra fœtorem idolatriæ. Est autem Tungrorum oppidum antiquitatis memoria celebre in territorio Leodiensi sub dominio episcopi. Historiam vitæ & translationis edidit Surius, tomo quinto.

Vigesima octaua Octobris.

De sancto Dodone confessore.

*Ex historia manu-scripta Lobis ac alibi, & rescripto patrum Lobiensium.*

FAniæ, depositio beati DODONIS monachi, discipuli S. Vrsmari episcopi. Qui in pago Lomacensi, in villa quæ dicitur Vallis, religiosos habuit parentes, à quibus ad sanctum Vrsmarum Lobiam delatus est ut sacri baptismatis vnda purificaretur, atque ut proprius eius filius, in Dei obsequio educaretur. Fultus igitur superni regis præsidio, & beati Vrsmari salutifero animatus hortatu, iam prouectior omnem suæ hereditatis possessionem, beato principi Apostolorum delegavit, in